



18. august 2023

UKA 2023/112

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**0,25 literi tikillugu imaqarsinnaasumut imeruersaatit puuinut akitsuut (Akitsuutit normuat 034) aammalu 0,25 literi sinnerlugu imaqarsinnaasumut imersuersaatit puuinut akitsuut (Akitsuutit normuat 035), §1 imm.1, nr.6-mi litra a aamma litra b allassimasut peerneqarsinnaaqqullugit Inatsisartut Inatsisaannut nr.17 22. November 2011-meersumut allannguutissatut siunnersuummik saqqummiussinissamut Naalackersuisut peqquneqarnissaat pillugu Inatsisartunut aalajangiiffigisassatut siunnersuut.**  
(Inatsisartunut Ilaasortaqaq Jens-Frederik Nielsen, Demokraatit)

### Tunngavilersuut

Nunatsinni innuttaasut ullumikkormit pisisinnaassuseqarnerunissaat Demokraatit kissaatigaat. Matumani innuttaasut ulluinnarni nioqqutissat pisiarinerpaasartagaat akitsuutitigit appaanikkut peersinikkulluunniit qulakkeerinnittoqarsinnaavoq.

Amerlasuut nioqqutissat Juice Saftillu pisiarisarpaat. Nioqqutissallu taakku eqqussinermut akitsuusersorneqarsimapput pisiniarfiillu pisisartunut nalinginik ingerlatitseqqiisarlutik. Nioqqutissat 0,25 tikillugu puulerneqarsimasut 2 koruunimik akitsuusersorneqarsimapput. Nioqqutissat 0,25 qaangerlugu puulerneqarsimasut 3,50 koruuninik akitsuusersorneqarsimallutik.

Ersarissaalaarlanga: akitsuusersuisimanerit taaneqartut peerutsigit Suntop (juice) ullumikkormit 2 koruunimik akikinnerulissaaq. Ribena (Saft) ullumikkormit 3,50 koruunimik akikinnerulissaaq.

Matumani pingaaruteqarpoq eqqaamassallugu eqqaaneqartunut akitsuusersuisimanerit taamani pisut nunatsinni utertitsisarnikkut aaqqissuussamut utertinneqarsinnaasunut pisiumassuseq annertusarniarlugu aaqqiissutaasimammat.<sup>1</sup>

Puiaasat pillugit nalunaarusiaq 1. Januar 2024 aallarnerfigalugu atuutilersussaq akuerineqarnerasigut aammalu Nuuk Imeq matuneqarnerasigut tunngavilersuut tamanna atorsinnaajunnaassaaq. Demokraatiniillu isumaqarpugut nunatsinni pisisartuusut matumani oqilisaavigisinnaagigut.

Siunnersuut akuerineqassagualuarpas nunatta karsia ukiumut 22 million koruuninik isaatitakinnerulissaaq. Tamanna soorunami aningaasalersorneqassaaq. Matumani marluk tikkuarusuppakka, kisiannili naqissuserlara isumaqatiginninniassutitut saqqummiussaassammata. Aningaasalersuinissat allat ammaffigaakka.

---

<sup>1</sup> Akissut §37-apeqqut normu 110/2023



Siullertut akiliisarnikkut aaqqissuussaq Ilangaassivik eqqunneqarsinnaavoq.<sup>2</sup> Ukiumut 30 million koruuninik iluanaaruteqarfigineqartarnissaa naatsorsuutigineqarpoq.

Aappaattut Aningaasanut Inatsimmi ingerlatsineranut tapiissuteqartarnermullu ataatsimut isigalugu sipaaruteqarsinnaagaluarpugut. Assersuutigalugu Aningaasanut Inatsimmi ingerlatsineranut tapiissuteqartarnermullu 1%-mik sipaaruteqaralarutta ukiumut 56 million koruuninik aningaasartuutikinnerulissagaluarpugut, pitsaanerpaaffissaaniikkuni<sup>3</sup>.

Taamatut oqaaseqarlunga Naalakkersuisut partiillu sinneri siunnersuutinnut qanoq isumaqarnersut tusassallugu qilanaaraara neriullungalu siammasissumik taparserneqarumaartoq.

### **Pisortanut aningaasatigut allaffissornikkullu kingunissai**

0,25 literi tikillugu imaqarsinnaasumut imersuusaatit puuinut akitsuut (Akitsuutit normuat 034) piffissami 2019-2022 agguaqatigiissillugu ukiumut 3.664.429 koruuniusimapput. 0,25 literi sinnerlugu imaqarsinnaasumut imersuusaatit puuinut akitsuut (Akitsuutit normuat 035) piffissami 2019-2022 agguaqatigiissillugu ukiumut 18.745.825 koruuniusimapput. Siunnersuutigineqartoq akuerineqassagaluaruni ukiumut 22 million koruunit isertinneqartarunnaassapput.

Ouiaasat pillugit nalunaarussiaq nutaaq aammalu Nuuk Imeq A/S matuneqartussaana isumaqarpoq Naalakkersuisut puiaasat puuinik eqqussinerit malunnaatilimmik annertuseriartussaasut naatsorsuutigigaat. Tamannali nalorninartortaqrpoq, eqqutissappalli puiaasat puuniik eqqussisarneq annertussutsikkut allanngoriaateqanngippat, akitsuutinit isertitsissutaasussat annertuseriassapput. Taamaattorli annaasaqaataasussat isigineqassanngilaq, pisortat pissarsiarisarsimangisaminnik maanna iluanaaruteqalertussaassammata<sup>4</sup>.

Siunnersuut atuutilersinneqassappat Inatsisartut Inatsisaat allanngortinneqarnissaa pisariaqassaaq, allaffissornikkullu kingunissaat atorfillip ukiup affaanut suliarisartagaaniit annikinnerulluni, 250.000 kr.

### **Namminersorlutik inuussutissarsiuteqartunut aningaasatigut allaffissornikkullu kingunissai**

Soqanngilaq.

### **Innuttaasunut aningaasatigut allaffissornikkullu kingunissai**

Imeruusaatit puiaasat puuinik akitsuusersornerannut atuuttut pisisartumut akikinnerulissapput, tamannalu kalaallit pisisartunut ullumikkormit aningaasaateqarnerulerneranik kinguneqassalluni.

---

<sup>2</sup> Nassuiaatit Inatsisartut Inatsisaat nr. 30 28. november 2019-meersoq Akiliisarfik Ilangaassivik

<sup>3</sup> Akissut § 37-apeqqut normu 38/2021

<sup>4</sup> Akissut § 37-apeqqut Normu 110/2023